

宋史新編

宋史新編卷一百九十一

列傳一百三十三

明南京戶部主事莆田柯維騏著

世家下

南漢劉氏

北漢劉氏

湖南周氏

荆南高氏

漳泉留氏

陳氏

南漢劉鋹其先上蔡人高祖仁安仕唐爲潮州刺史因家嶺表仁安生謙爲封州刺史謙生隱代其任梁開平初兼靜海軍節度使封南海王弟陟襲位貞明三年稱帝號大漢改元乾亨改名巖又改龔終改龔龔讀爲儼字書不載蓋其妄也晉天福七年卒子玠嗣爲弟晟所

殺晟遂自立盡殺群弟周顯德中卒事具五代史長子
鉞名繼興封衛王襲位改今名改元大寶性昏懦委政
宦者龔澄樞及才人盧瓊仙鉞日與宮人波斯女等游
戲增中官至七千餘有爲三師三公者女官亦有師傅
令僕之號目百官爲門外人群臣小過及士人釋道有
才略可備問者皆下蠶室令得出入宮闈作燒煮剝剔
刀山劒樹之刑或令罪人鬪虎抵象又賦斂煩重置媚
川都定其課令人海五百尺採珠所居宮殿以珠玳瑁
飾之中官陳延壽作諸淫巧日費數萬金離宮數十鉞
常游幸以豪民爲課戶供宴犒費太祖聞其奢酷曰吾

當救此一方民先是歲因湖南馬氏之亂襲取桂柳賀
等州開寶初鋹又舉兵侵道州刺史王繼勳上言請討
之太祖難其事令江南李煜遣使以書諭鋹使稱臣歸
湖南舊地鋹不從煜復遣給事中龔慎儀遺之書略曰
煜與足下情若弟兄義敦交契憂戚之患曷嘗不同每
思會面抵掌交議所短各陳所長使中心釋然利害不
惑而相去萬里斯願莫伸凡於事機不得款會屢達誠
素冀明此心而足下視之謂書檄一時之儀近國梗槩
之事使忠告確論如水投石若此則又何必事虛詞而
勞往復哉殊非宿心之所望也今大朝黜閑大衆仍以

上秋爲期今弊邑以書復敘前意觀夫古之用武者不
顧小大強弱之殊而必戰者有四父母宗廟之讎此必
戰也彼此烏合民無定心存亡之機以戰爲命此必戰
也敵人有進必不捨我求和不得退守無路戰亦亡不
戰亦亡奮不顧命此必戰也彼有天亡之兆我懷進取
之機此必戰也今足下與人朝非有此四者無故而坐
受天下之兵將決一旦之命旣大朝許以通好又拒而
不從有國家利社稷者當若是乎夫稱帝稱王角立傑
出今古之常事也割地以通好玉帛以事人亦古今之
常事也盈虛消息取與翕張屈伸萬端在我而已何必

膠柱而用壯輕禍而爭雄哉足下撫百越之衆北距五嶺南負重溟衆數十萬表裏山川此足下所以慨然而自負也然天方相楚尚未可爭大朝師武臣力實謂天贊登太行而伐上黨士無難色絕劔閣而舉庸蜀役不逾時是知大朝之力難測也萬里之境難保也十戰而九勝亦一敗可憂六奇而五中則一失何補人之情端坐而思之意滄海可涉也及風濤驟興奔舟失馭與夫坐思之時蓋有殊矣是以智者慮於未萌機者重其先見圖難於其易居存不忘亡故曰計禍不及慮福過之良以福者人之所樂心樂之故其望也過禍者人之所

惡心惡之故其思也忽是以福或脩於懷望禍多出於
不期願脩祖宗之謀以尋中國之好蕩無益之忿棄不
急之爭知存知亡能強能弱屈已以濟億兆談笑而定
國家何必扼腕盱衡履腸蹠血然後爲勇也故曰知止
不殆可以長久又曰沈潛剛克高明柔克此聖賢之事
業何恥而不爲哉况大朝皇帝以命世之英光宅中夏
承五運而乃當正統度四方則咸偃下風方且遏天下
之兵鋒俟貴國之嘉問則大國之義斯亦以善矣足下
之忿亦可以息矣若介然不移有利於宗廟社稷可也
有利於黎元可也有利於天下可也有利於身可也無

一利焉何用棄德修怨自生仇敵幸而小勝矣保其後
不幸而違心則大事去矣念頃者淮泗交兵疆陲多壘
吳越以累世之好首爲厲階惟有貴國情分逾親驩盟
愈篤在先朝感義情實慨然下走承基理難負德不能
自己又馳此緘近奉大朝諭旨以爲足下無通好之心
必舉上秋之役卽命弊邑速絕連盟雖善鄰之心期於
永保而事大之節焉敢固違恐煜之不得事足下也臣
子之情尚不逾於三諫煜之極言於此三矣是爲臣者
可以逃爲子者可以泣爲交友者亦惆悵而遂絕矣銀
得書遂囚慎儀驛書答煜言甚不遜煜上其書開寶二

年太祖命潘美尹崇珂討之特舊將多以讒構誅死宗
室翦滅殆盡掌兵者唯宦人數輩自晟以來耽於遊宴
城壁壕隍多飾爲宮館池沼樓艦皆毀兵器又腐內外
震恐九月美與崇珂圍賀州斬其大將伍彥柔翌日城
陷十月次昭州擒砦將靳暉城又陷十一月連州又陷
十二月美等攻韶州都統李承渥以兵數萬陣蓮華山
下初鋹教象陣每象載十數人皆執兵仗凡戰必置陣
前以壯軍威至是與美遇美盡索軍中勁弩布前以射
之象奔蹏乘象者皆墜反踐承渥軍遂大敗承渥僅以
身免城遂陷擒刺史辛延渥諫議大夫卿文遠鋹始令

斬廣州東壕遣郭崇岳統兵六萬屯馬逕列柵以拒之
四年正月美等破英雄二州都統潘崇徹來降翌日次
灌頭銀遣使請和且求緩師二月美等將至城銀懼遣
其左僕射蕭淮奉表詣軍門乞降美諭太祖意語在美
傳銀又遣其弟保興率百官奉迎爲郭崇岳所遏崇岳
無謀勇但祈禱鬼神復爲拒扞之備美等乃進攻保興
迎戰大敗崇岳死於亂兵城旣破擒銀及龔澄樞等與
宗室文武九十七人保興逃民家亦獲之悉部送闕下
斬閹工五百餘人至京有司以帛係銀及其官屬獻太
廟太社太祖御明德門宣詔責銀銀對曰臣年十六僭

偽位澄樞等皆先臣舊人每事臣不得專遂伏地待罪
太祖命引澄樞及李托薛崇譽斬于千秋門外釋張罪
賜襲衣冠帶器幣鞍勒馬授全紫光祿大夫檢校太保
右千牛衛大將軍封恩赦侯朝會班上將軍之下以其
弟保興爲右監門率府率蕭灌等竝授以官初襲召司
天監周傑筮之遇復之豐襲問曰享年幾何傑曰凡二
卦皆土爲應土之數五二五十也上下各五將五百五
十五乎及是果五十五年又廣州童謠亦驗語在五行
志張後進封彭城郡公太平興國初進衛國公五年卒
年三十九贈太師張有口辯性絕巧嘗以珠結鞍勒爲

戲龍之狀極其精妙以獻詔示諸宮官皆駭伏太祖曰
以習巧之勤移於治國豈至滅亡哉太祖嘗賜銀卮酒
銀疑爲醜太祖取飲之銀大慙語在本紀太宗將討晉
陽召近臣宴銀預之自言朝廷威靈及遠四方僭竊之
主今日盡在坐中旦夕平太原劉繼元又至臣率先來
朝願得執梃爲諸國降王長太宗大笑賞賜甚厚其詆
諧此類也銀子守節守正皆至崇儀副使守素至閤門
祇候守通供奉官其貧也朝廷屢優恤之

龔澄樞南海人幼事龔累遷內給事最龔位擢知承宣
院兼內侍省改德陵使兼龍德宮使銀嗣位加特進開

府儀同三司萬華宮使驃騎大將軍玖上將軍左龍虎
軍觀軍容使內太師澄樞與李托薛崇譽置酷法之具
民甚苦之初嚴改名龔有術者言不利遂改名龔後龔
用澄樞以其姓卒亡其國澄樞亦被誅

李托封川人以謹愿事龔爲內府局令歷晟及鋹遷至
驃騎上將軍內太師嘗納二女於鋹鋹以其長爲貴妃
次爲美人政事皆訪托而後行太祖命師伐鋹托堅沮
降議及軍敗又縱火焚府庫遂被戮

薛崇譽韶州人歷事晟及鋹遷至內中尉特進開府儀
同三司簽書點檢司事太祖命師克廣州崇譽縱火

倉廩擒至京與李托同戮

潘崇徹南海人事龔爲內侍省局丞頗讀兵書立戰功歷事晟及鋹爲大將加西北面都統歲餘鋹頗疑崇徹遣薛崇譽使其軍以察之崇譽言其淫樂不恤軍政鋹怒召歸奪兵柄自是居常怏怏太祖命詎度領鋹復命崇徹領兵五萬戍賀江崇徹不爲効命鋹敗至京太祖知其事特赦之授汝州別駕卒

北漢劉繼元太原人祖崇漢祖之弟漢初爲太原尹隱帝嗣位周祖爲樞密使崇謂判官鄭珙曰吾與郭樞密素不協朝廷幼弱郭得志吾無類矣珙遂勸繕完甲兵

招集亡命爲自全計及聞隱帝遇害崇欲率兵南向會漢太后下令迎崇子贊爲漢嗣崇信之謂賓佐曰吾兒爲帝矣復何慮哉少尹李驤曰知幾其神時不可失揣郭公之心必不以天下與人不如領精騎疾度太行控孟津以觀其變崇大怒罵曰腐儒敢離間我父子遽斬之驤曰僕負王佐才今日爲愚人畫計死固甘心但家有病妻願同戮於市崇並殺之表其事於太后明無他志俄周祖爲衆所推降封賀正陰公贊隨死崇慟哭爲驤立祠遂卽皇帝位國仍號漢仍稱乾祐年改名旻以平鈞爲太原尹齎重幣結契丹自言與周有隙願如晉

祖故事約爲父子契丹主許之策崇爲大漢神武皇帝
顯德元年崇卒鉤襲位改元天會以子繼恩爲太原尹
潛結江南西川爲外援太祖卽位李筠求援於鈞鈞自
至太平驛與筠會遣兵赴之連爲石守信等所破乾德
元年八月王全誨率師攻樂平鈞與契丹兵來救三戰
皆敗之遂下其城詔建爲平晉軍以降兵爲效順軍後
李繼勳等攻遼州鈞遣兵來援戰于城下鈞大敗刺史
杜延諤等籍部兵三千降于繼勳詔以效順懷恩爲名
自是降者相繼初鈞自李筠敗狼狽而歸旦夕懼宋師
之至以趙文慶爲相召抱腹山人郭無爲叅議中書事

以五臺山僧繼顓爲鴻臚卿叅議國事因事誅樞密使
段常契丹主遣使責鈞曰爾不稟我命其罪有三鈞皇
恐曰父爲子隱願赦罪契丹不報自是使契丹者被留
不遣終以勢力窘弱憂憤成疾卒繼恩嗣位初太祖嘗
因界上謀者謂鈞曰君家與周世讎宜其不屈今日何
爲困此一方人也若有志中國宜下太行以決勝負鈞
遣謀者復命曰河東土地甲兵不足以當中國然鈞家
世非叛者區區守此蓋懼漢氏之不血食也太祖哀其
言終其世不加兵馬繼恩本姓薛父釗娶崇女釗死繼
恩尚幼漢祖令鈞養爲子遂昌姓劉迺開寶元年八月

太祖詔李繼勳等率兵伐繼恩俄繼恩爲供奉官侯霸
策所弑時立六十矣無爲遣卒殺霸策立其弟繼元
初薛釗死崇以女所妻何氏生繼元何死鉞亦養繼元
爲子繼元旣襲位改元廣運復結契丹爲援二年春太
祖親征至太原墜汾水灌其城閏五月南城爲汾水陷
水注城中太祖幸長隄觀焉繼元殺其相郭無爲城中
紛擾俄而城兵自西長連城出將焚攻戰具反爲攻兵
擊走之斬首萬餘級太常博士李光贊請班師從之軍
校趙翰等叩頭願乘城急擊以盡死力太祖曰汝曹我
所訓練無不一當百以備肘腋同休戚也我寧不取太

原豈忍驅汝曹冒鋒鏑而蹈必死之地乎士皆感泣九年秋太祖又遣党進等討之前後俘獲甚衆十月太宗卽位召諸將還太平興國四年始議討伐曹彬以爲可語在彬傳宰相薛居正不以爲然太宗曰朕計決矣卿勿復言遂遣潘美等率諸將分兵圍汾沁嵐諸州車駕遂親征以驍將郭進扼石崖關斷契丹援路契丹果至進擊敗之繼元外援不至饑道又絕潘美等兵數十萬長圍四合自春徂夏矢石如雨晝夜不息太宗奄至朔督衛士急攻人百其勇城無完堞太宗屢以手詔諭繼元降城中危急一夕繼元遣其客省使李勣奉表請降

是明繼元率官屬縞衣紗帽待罪詔釋之賜襲衣玉帶
及文武官器幣有差授繼元特進檢校太師右衛上將
軍封彭城郡公其相李暉等授官有差繼元獻其宮妓
百餘悉分賜立功將校令康仁寶護繼元親屬赴京賜
京城甲第一區歲時優賚六年加開府儀同三司雍熙
三年建芳州爲保康軍以繼元爲節度淳化中卒贈中
書令追封彭城郡主贈賻加等于三猪六歲賜名守節
授西京作坊副使劉崇自周廣順元年稱帝歷四主二
十九年而亡繼元性殘忍臣下被殺傷不可勝紀及窮
威始降太宗終保全之嘗謂近臣曰晉司馬昭以劉禪

思蜀之對戲之云何乃似郤王之言此不仁之甚也亡國之君皆暗懦所致苟有遠識豈至滅亡此可懲傷何反戲侮乎劉繼元朕所虜者待之若賓客猶恐不慰其意爾守節後歷右驍衛將軍

衛融字明遠青州人晉天福初第進士劉崇稱帝長中書侍郎平章事宋初劉鈞援李筠遣盧贇監其軍與筠不協鈞遣融和解之會筠敗融被擒太祖責之曰汝何故勸劉鈞舉兵助李筠反耶融曰犬吠非其主臣四十口受劉氏豐衣美食不忍負之陛下縱不殺臣臣亦不爲陛下用終當問道走河東爾太祖怒令左右以鐵

槓擊其首曳出將戮之融大呼曰大丈夫死或重於泰山或輕於鴻毛今之死正得其所爾太祖聞之曰此忠臣也遽命釋之以良藥傳其創賜_{龍衣}金帶鞍勒馬既而欲放融歸令融先爲書諭_鈞言俟周光遜等歸朝即遣融去_鈞得書久無報乃授融太府卿賜第京城乾德初郊祀融獻郊禋大禮賦改司農卿出知陳舒黃三州卒予稱_傳孫齊進士及第

趙文度薊州人入洛舉進士擢甲科劉崇稱帝累官至翰林承旨兵部尚書天會四年授中書侍郎平章事轉門下侍郎兼樞密使加司徒久之與郭無爲不協出知

汾州徙嵐州太祖親征晉陽遣偏師圍嵐文度危蹙請
降待罪行宮太祖命釋之文度本名弘以犯宣祖廟諱
賜今名師還授檢校太傅安國軍節度歲餘徙華州又
徙耀州卒文度善爲詩人多諷誦有觀光集文度之降
也其母在太原世以不能死節罪之

李惲字孟深開封人漢乾祐第進士客游嵐州會劉崇
自立署州從事擢知制誥翰林學士累至司空平章事
太宗克太原爲殿中監知廣州遷司農卿連知許孟二
州以足疾求解授忠武軍行軍司馬卒

馬峰太原人仕劉繼元至樞密使左僕射致仕太原平

太宗以爲將作監遷太府卿分司西京峰善服餌養生
體強無疾卒年八十餘

郭無爲青州人少博學有辭辯爲道士隱武當山漢乾
祐中周祖征河中無爲杖策謁於軍門周祖將留館門
下爲左右所阻遂拂衣去隱太原抱腹山後劉鈞召爲
諫議大夫尋遷吏部侍郎叅議中書事與趙文度同秉
政意好不協鈞乃出文度知汾州俄誅段常遂以無爲
爲左僕射平章事兼樞密使機務一以委之鈞嘗病與
無爲語及後事謂其子繼恩不才無爲亦言其然繼恩
旣立知其事欲誅無爲畏懦不能決月餘侯霸榮弒繼

恩無爲使人殺霸榮弁人疑無爲初授意於霸榮後殺之以滅口也繼元立太祖遣李繼勳等討之仍詔許繼元以青州節度無爲邢州節度無爲得詔色動有貳志太祖親征長圍旣合無爲請將兵夜襲圍欲自拔來歸值天陰晦而止事洩會太祖雍汾水浸城城中人情大懼繼元乃殺無爲以徇

湖南周行逢朗州武陵人少無賴不事生產嘗犯法配隸鎮兵以驍勇累遷裨校自唐乾寧二年馬氏專有湖南二十州之地雖稟朝廷正朔其郡守官屬皆自署至周廣順初兄弟爭國求援江南李景道大將邊鐸率

兵赴之因下長沙遷馬氏之族於建康景遂以鎬爲潭
帥會朗州衆亂推衙將劉言爲留後言以行逢爲都指
揮使旣而言遣副使王進逵行軍何景真與行逢帥舟
師襲破潭州鎬遁去行逢等據其城周祖卽以言爲朗
帥初朗人謂劉言爲劉黻牙馬氏將亂湘中童謠云馬
去不用鞭黻牙過今年及邊鎬俘馬氏鎬爲劉言所逐
而言亦爲王進逵所害周祖卽以進逵爲朗州節度以
行逢領鄂州節度知潭州顯德中世宗將用師淮甸詔
王進逵出師入鄂州界進逵遣裨將潘叔嗣領兵三千
爲先鋒至鄂州叔嗣回戈襲進逵進逵趨武陵叔嗣攻

而殺之迎行逢爲節度行逢斬叔嗣以徇世宗乃授行逢朗州大都督武平軍節度盡有湖南地宋初加兼中書令條教簡約民皆悅之然性猜忌少忤意必宣於法多署溪洞蠻酋爲司空太保一日謂天策府學士徐仲雅曰吾奄有湖湘兵彊俗阜四鄰其懼我乎仲雅曰公部內司空滿川太保徧地孰敢不懼其卒也追封汝南郡王子保權起復檢校太尉朗州大都督武平軍節度初行逢疾且亟召將校託保權曰吾部內兇狠者誅之略盡惟張文表在焉吾死文表必亂必不得已當舉族歸朝無令陷虎口行逢卒之明年文表果自衡州舉族

據潭州將取朗陵滅周氏保權乞師於朝廷江陵高繼
冲亦以其事聞太祖遣慕容延釗等發安復十州兵會
襄陽討之師及江陵文表已爲保權之衆所殺保權牙
校張從富輩以爲文表已平而王師繼進不已懼爲襲
取相與拒守延釗以聞太祖遣中使諭曰無自取塗炭
重擾生聚保權出迎於澧州南未及交鋒望風而潰復
還朗州王師長驅而南獲從富梟首朗市又獲保權湖
湘悉平時乾德六年也保權至上章待罪優詔釋之賜
襲衣金帶鞍勒馬授右千牛衛上將軍葺京城舊邸院
爲第令居焉累遷右羽林統軍知并州卒年三十四

李觀象桂州人行逢署爲掌書記頗加信任臨終託以
後事及張文表難作王師歷境觀象謂保權曰高氏拱
手聽命胡州勢不獨全莫若幅巾歸朝則不失富貴保
權幼懦不能用其言及胡相平太祖聞之以爲左補闕
張文表朗州人從王進達周行逢舉兵逐邊鎬行逢署
文表衡州刺史頗心忌欲誅之行逢卒文表襲潭州時
行軍司馬廖簡知留後素輕文表不爲之備方宴飲間
報謂四坐曰此黃口小兒至則成擒何足患也飲啖如
故俄文表率眾徑入遂害簡保權遣其將楊師璠悉眾
以禦遂破其衆擒文表齎而食之

荆南高保融字德長其先陝州人祖季興唐末爲荆南
節度歷梁後唐封南平王卒子從誨嗣至太傅中書令
五代史有傳從誨生保融長興初以蔭補官歷晉漢周
至檢校太尉同平章事江陵尹荆南節度荆歸峽觀察
使後加太師兼侍中中書令進封南平王加守太保宋
初守太傅連遣使貢獻恩顧甚厚卒贈太尉謚正懿保
融性迂闊淹緩一時術略政事悉委於母弟保勗二子
繼冲繼充繼充至歸州刺史

保勗字省躬從誨第十子保融同母弟也晉天福初起
家領漢州刺史周歷加檢校太尉充行軍司馬領寧江

軍節度保融卒保勗權知軍府奉章以聞太祖卽授以
節度使初保融於絕南城北決江水瀦之七里餘謂之
北海以閔行者太祖因保勗弟保寅入貢諭旨令決去
使道路無阻保勗淫佚無度政事不治未幾卒初保勗
在保抱從誨獨鍾愛故或盛怒見之必釋然而笑荆人
目爲勗事休及保勗之立藩政離弱卒裁數月遂失國
亦預兆也

繼冲字贊平保融長子也周顯德六年以蔭檢校司空
爲荆南節度副使建隆三年保勗寢疾以繼冲爲節度
副使權知軍府保勗卒制授繼冲爲檢校太保江陵尹

荆南節度時湖南張文表叛周保權求救於朝廷詔江陵發水軍三千人赴潭州繼沖卽遣親校李景威將以往二月王師至繼沖以牛酒犒師開門納慕容延釗等卽奉表納土太祖遣使齎衣服玉帶器幣鞍勒馬賜之授繼沖馬步都指揮使叅佐戚屬除授有差是歲將郊祀表求入覲可之十月至闕下獻珍寶弓劔鞍勒賜資甚厚郊禮畢授繼沖徐州大都督府長史武寧軍節度使徐宿觀察使繼沖鎮彭門幾十年委政僚佐部內亦治卒年三十二贈侍中自高季興據有荆南歸峽之地傳襲三世五帥凡四十餘年

保寅字齊異晉天福七年以蔭授官宋興保勗旣襲封
遣保寅入覲太祖召對便殿授掌書記遣還保寅語保
勗曰真主出世天將混一區宇元宜首率諸國奉土歸
朝無爲他人取富貴資保勗不聽王師討武陵道出荆
渚保寅奉牛酒迎犒軍鋒太祖嘉之驛召赴闕授將作
監充內作坊使累遷光祿卿歷知光化軍卒年六十八
初保寅在懷州蘇易簡王欽若竝妙年始趨學在同州
錢若水爲從事在光化軍張士遜其邑人也保寅一見
皆獎拔許以遠大世多其知人子輔政輔之輔堯輔國
竝進士及第

孫光憲字孟文陵州人事高氏三世皆在幕府累官至
檢校祕書監兼御史大夫慕容延釗等救朗州光憲乃
勸繼冲獻三州之地太祖聞之甚悅授光憲黃州刺史
賜齊加等在郡亦有治聲乾德中卒光憲博通經史聚
書數千卷或自抄寫孜孜讎校老而不廢好著撰自號
葆光子所著荆臺集聖湖編玩筆傭集橘齋集北夢瑣
言蠶書又撰續通歷紀事頗失實太平興國初詔毀之
子謂謹並進士及第

梁延嗣京兆人事高氏歷四帥人稱其忠盡嘗勸冲之
納土太祖嘉之授復州防禦使充湖南前軍步軍都指

揮使兼排陣使後因郊禮自復州入朝太祖慰撫之曰
使高氏不失富貴爾之力也改濠州防禦使有善政詔
書褒美延嗣頗知書好按士嘗暴疾穰於城隍神是夕
夢神人告以九九之數俄疾愈年八十一卒

漳泉留從效泉州永春人幼孤事母兄以孝悌聞頗知
書好兵法唐末王審知據有福建之地子延鈞後唐長
興中僭稱帝國號閩都福州爲其下所殺立審知次子
延義至天福末部將朱文進殺延義據其位署其黨黃
紹頗爲泉州刺史程賀爲漳州刺史許文禎爲汀州刺
史時審知子延政爲建州刺史亦僭稱帝泉人念王

失國羣逆分據時從效爲泉州散指揮使與其黨王忠順董思安及所親蘇尤誨相與圖議興復王氏募敢死士得陳洪進等五十二人夜持白挺踰城而入劫庫兵擒紹頗斬之立延政從子繼勳爲刺史從效等三人自署爲統帥洪進等皆爲指揮使繼勳令送紹頗首於建州奉延政爲主延政遂送款於江南李景文進率衆攻泉州爲從效所敗會景遣將討王氏之亂圍福州兩浙錢氏發兵來援景將但克汀建而歸福州入於錢氏從效以兵劫繼勳送江南自領漳泉二州留後李景卽建泉州爲清源軍授從效節度泉漳等州觀察使閩中五

州自此分矣景累授從效同平章事兼侍中中書令封
鄂國公晉江王從效在郢專以勤儉養民爲務常衣布
素置公服於中門之側出則衣之每言我素貧賤不可
忘本民甚愛之部內安治每歲取進士明經謂之秋堂
世宗時潛表內附貢方物詔嘉納之宋初從效遂上表
稱藩貢奉不絕會李景遷洪州從效疑景討已頗懼遣
使厚幣獻景又遣使假道吳越入貢太祖特命使厚賜
以撫之使未至卒年五十七僞贈太尉靈州大都督從
效無嗣以兄從願之子紹鎡紹鎡爲子從效寢疾時從
願守漳州紹鎡在金陵紹鎡尚幼及卒衛校張漢思陳

洪進有異謀漢思遂爲留後未幾洪進又廢漢思而自立語在洪進篇中從效再從弟仁諱淳化中爲泗州長史有清節官散奉薄雖藜藿不充未嘗妄干人太宗聞之召赴闕特遷楊州觀察支使

陳洪進泉州人幼有壯節頗讀書習兵法長以材勇隸兵籍從攻汀州先登補副兵馬使從留從效殺黃紹頗以首送建州延政大悅以爲本州馬步行軍都校時晉開運元年也自是漳州殺程贊迎延政從之繼成爲刺史許文稹以汀州降連重遇殺朱文進傳首建州福人又殺重遇延政遂遣洪進歸泉州從效爲清源軍節度

洪進爲統軍使與副使張漢思同領兵柄累立戰功從效卒少子紹鉉典留務月餘洪進誣紹鉉將召越人以叛執送江南推張漢思爲留後自爲副使時建隆三年也漢思年老醇謹不能治軍務事皆決於洪進漢思諸子爲衙將頗不平欲害之明年四月漢思大享將吏伏甲於內將害洪進酒數行地忽大震棟宇將傾坐立者不自持同謀者以告洪進洪進亟去衆驚悸而散洪進子文顯文顯皆爲指揮使勒所部欲擊漢思洪進不許一日洪進袖置大鎖從二子常服安步入府中直兵數百人皆叱去之漢思方處內齋洪進卽鎖其門使人叩

門謂漢思曰郡中軍吏請洪進知留務衆情不可違當以印見授漢思惶懼不知所爲卽自門間出印與之洪進卽日遷漢思別墅遣使請命於李煜煜以洪進爲清源軍節度泉州等州觀察使時太祖平澤潞下楊州取荆湖洪進大懼遣衙將魏仁濟問道奉表聽朝旨太祖遣使齎詔撫諭又以其事詔諭李煜煜聽命乾德二年制改清源軍爲平海軍授洪進節度泉州等州觀察使檢校太傅賜號推誠順化功臣鑄印賜之以文顯爲節度副使文顯爲漳州刺史是年夏丁家艱起復洪進每歲以修貢朝廷多厚斂於民第民貲百萬以上者令差

入錢以爲試協律奉禮郎蠲其丁役及江南平吳越王
來朝洪進不自安遣子入貢太祖因下詔召之遂入覲
道聞太祖崩歸鎮發哀太宗卽位加檢校太師明年四
月來朝禮遇優渥又增食邑以其子文顯爲團練使文
顯文瑱並爲刺史洪進遂上表請納土太宗嘉之以洪
進爲武寧軍節度同平章事留京師奉朝請諸子皆授
以近郡優賜之後封杞國公進封岐國公洪進年老富
貴且極上言求致仕優詔允朝請未幾卒年七十二贈
中書令謚忠順洪進在永州日方晝有蒼鶴翔集內齋
前引吭向洪進洪進視之有魚鱗其喉卽以手探取之

魚猶活鶴馴擾齋中數日而後去人皆異之洪進弟銛初爲泉州都指揮使開寶中授漳州刺史卒

文顯字仲達歷泉州馬步軍都軍使右軍押衙朝命爲平海軍節度副使累加檢校太保洪進歸朝授通州團練使知泉州未幾代還又爲青齊廬壽西京水南北陝州四州都巡檢使文顯與諸弟不睦咸平初爲言者所劾詔誠諭之以疾改通許鎮都監卒

文顯初爲泉州衙內都指揮使俄權知漳州朝命漳州刺史數年求還泉州署行軍司馬洪進歸朝授房州刺史換康州端拱初出知同州咸平初知耀州徙徐州坐

用刑失入貶官上念其父納土功復以爲康州刺史祥符東封命知濮州馳道所出供擬頗勤至詔褒之改衡州代還以老疾請致仕卒

文顥始爲泉州衙內都指揮使知漳州洪進歸朝加滁州刺史俄召歸奉朝請景德中換光州以久次領和州團練使歷知數州軍所至無能稱

文顥頗知書工畫本文顯子也初洪進在泉州有相者言一門受祿當至萬石時洪進與三子皆領州郡而文顥始生乃以爲已子欲應其言歷衙內都監使朝命領順州刺史歸朝爲登州刺史改舒州卒

周子

三臣者何韓通李筠李重進也宋有天下矣三臣繫之
周者何明三臣之志也曷明三臣之志也食周厚祿義
不爲宋臣也然則宋有天下非耶曰否西山之餓夫洛
邑之頑民豈爲武王伐殷病哉是故有滅有興者天命
之靡常也知其無可奈何而罔敢貳者臣子之自盡也
三臣之志亦可哀矣或議三臣嘗臣唐晉漢而目爲智
氏之豫讓信斯言也三臣將不得爲義士乎哉

韓通

李筠

李重進

韓通太原人弱冠應募以勇力聞補騎軍隊長歷仕晉

漢周累功遷至歸德軍節度檢校太尉同平章事侍衛
親軍馬步軍副都指揮使通性謹厚周祖伐河中命以
自隨鎮大名委以心腹入汴通甚有力焉王彥超擊劉
崇通副之敗崇于高平世宗時浚胡蘆河築博野諸城
契丹再至皆拒退之其攻秦鳳也通入大散關斷蜀饒
道拔其城新築都城及廣舊城街道通總領其役初期
以三年纔半歲而畢復命按行河北河隄浚汴渠數百
里世宗將北征命通巡北邊自浮陽至淤口浦壞坊三
十六遂通瀛莫初克益津關以爲霸州通復董城役恭
帝卽位移領鄆州太祖爲六軍推戴通在殿閣聞有變

惶遽而歸軍校王彥昇遇通於路策馬逐之通馳入其第未及闔門爲所害妻子皆死太祖下詔贈中書令以禮收葬通剛徇寡謀言多忤物肆威虐衆謂之韓瞠眼其子頗有智略見太祖有人望常勸通早爲之所通不聽後太祖幸開寶寺見通父子畫像于壁遽命去之

李筠太原人善騎射初隸後唐秦王從榮麾下從榮難作筠騎從至天津橋射殺十數人知事不濟棄馬遁去清泰初應募爲內殿直遷控鶴指揮使開運末契丹德光滅晉其將趙延壽聞筠驍勇召宣帳下及德光北歸道卒延壽至鎮州爲元欲所執惟耶律解里將二千騎

尚留筠與諸將謀司間併擊控鶴左廂都校白再榮匿
室中不敢應筠拔佩刀破幕引臂逼再榮行諸將次第
赴之殺傷相當解里遂棄城去故相馮道與諸將議權
推白再榮爲留後以安人心再榮以鎮州送款漢祖乃
授再榮留後授筠博州刺史筠以賞薄不悅周祖鎮天
名表爲先鋒指揮使又爲北面緣邊巡檢周祖起兵入
汴筠與郭崇從戰敗慕容彥超於留子陂累功遷至昭
義軍節度檢校太傅同平章事世宗時筠以奇兵擊敗
契丹兵之援太原者加兼侍中其後屢破并衆多斬獲
筠在鎮擅用征賦頗集亡命嘗以私忿囚監軍使世宗

心不能平但詔責而已恭帝立加檢校太尉宋初加兼
中書令遣使諭以受周禪筠卽欲拒命左右爲陳曆數
方飽俛下拜貌猶不恭及延升階置酒張樂遽索周祖
畫像懸壁涕泣不已賓佐惶駭告使臣曰令公被酒失
言常性幸勿爲訝及太原劉鈞以蠟書約舉兵筠雖緘
言上太祖心已畜異謀太祖手詔慰撫之是時筠子守
節爲皇城使嘗泣諫筠不聽太祖又遣諭旨曰歸語汝
父我未爲天子時任自爲之旣爲天子獨不能臣我耶
守節白筠筠謀愈甚遂起兵檄辭多不遜從事閭丘仲
卿獻策曰孤軍舉事其勢甚危雖倚援河東亦恐不得

其力大梁兵甲精銳難與爭鋒不如西下太行直抵懷
孟塞虎牢據洛邑東向爭天下計之上也筠曰吾周朝
宿將與世宗義同昆弟禁衛皆舊人必倒戈歸我况有
儋珪槍撥汗馬何憂天下哉儋珪筠愛將有勇力善用
槍撥汗筠駿馬日馳七百里故筠誇焉筠遣人殺澤州
刺史張福往據其城劉筠遂率兵與契丹數千衆來
至太平驛筠以臣禮迎謁見筠兵衛寡弱甚悔之而業
已然矣筠封筠西平王召與語筠自言受周祖大恩敢
愛死不寤筠與周世讎筠默然遂疑之命其宣徽使盧
贊監筠軍筠心不能平頗不協筠復命其相衛融和

之筠留其子中節守上黨引衆南向太祖遣石守信等
討之敕曰勿縱筠下太行急進師扼其隘破之必矣太
祖遂親征山路險峻多石不可行太祖先於馬上負數
石群臣六軍皆負之卽日平爲大道與守信等會破筠
衆於澤南殺盧贊筠走還保澤太祖親督戰拔其城筠
赴火死獲衛融鈞懼而遁歸太祖進伐上黨守節以戒
降釋其罪賜襲衣金帶銀鞍勒馬是日宴從官守節預
焉以爲單州團練使餘官屬授秩有差時建隆元年六
月也筠初名榮避周世宗諱改之性雖暴事母甚孝每
怒將殺人母屏風後呼筠筠趨至母曰聞將殺人可免

平爲吾曹增福爾筠遠釋之筠有愛妾劉氏欲俱死筠以其有娠麾令去守訖平得臣歷和州團練使卒年三十三無後以劉氏所生之弟爲嗣

李重進其先滄州人生於太原周太祖之甥也仕晉爲殿直周廣順中累遷殿前都指揮使顯德初領武信軍節度重進年長於世宗周祖寢疾召重進受顧命令拜世宗以定君臣之分世宗立從征劉崇有功語在白重進傳擢至歸德軍節度使兼侍衛馬步軍都指揮使加同中書門下平章事正陽之役重進與宣祖韓令坤合兵擊吳師一鼓敗之斬首萬餘級追奔二十里殺大將

劉彥貞已而爲廬壽等州招討使屯兵壽陽時張永德屯下蔡與重進不協每宴將吏多暴重進短至謂重進有奸謀密遣人驛告之世宗雖不之信然人情頗憂恐重進單騎詣永德帳中命酒飲謂永德曰吾與公皆國家肺腑相與戮力公何疑之深也永德意解三軍遂安李景知之齎蠟書陷重進以厚利重進表其事行豫州刺史齊藏珍亦說重進世宗知之假他事誅藏珍詔重進夾淮城正陽下蔡旣成上其圖俄又敗淮兵二千餘於塌山北時圍壽春經年未下吳遣將許文績率兵來援重進擊敗之世宗幸壽有玉帶戎服器幣鞍馬之賜

及克壽加檢校太傅兼侍中又改天平軍節度仍爲招討濠州降關南平皆與有勞恭帝立加檢校太尉改淮南節度太祖受禪以韓令坤代爲侍衛都指揮使加重進中書令旣而移鎮青州加開府階重進與太祖俱事周室分掌兵柄常心憚太祖太祖立愈不自安及聞移鎮陰懷異志太祖遣六宅使陳思誨齎賜鐵券以安其心重進欲治裝隨思誨入朝爲左右所惑猶豫不決又自以周室近親恐不得全遂拘思誨治城隍繕兵甲遣人求援李景景懼而不納聞之太祖太祖遣石守信等率禁兵討之太祖謂左右曰朕於周室舊臣無所猜問

重進不體朕心自懷反側今六師在野當暫往慰撫之
爾遂親征徑至揚州城下即日拔之重進舉族赴火死
思誨亦爲其黨所害時建隆元年十二月也重進兄還
州刺史重興聞其叛自殺弟解州刺史重贊子尚食使
延福並戮於市

宋史新編卷一百九十一

宋史新編卷一百九十二

列傳一百三十四

明南京戶部主事莆田柯維騏著

外國

夫夷狄國於四垂之外族類風俗不與華同故先王謂之荒服當其內外無虞職貢時脩賴有瑕釁輒變鳴鏑以相加遺蓋山川阻深足以自固而狙詐獷悍其天性也雖然少康興夏樂舞畢陳武王造片斲矢來獻歐陽子迺謂有道未必服無道未必不來言理之恒乎自唐季迄五代德衰而威不振諸湯隆幽燕淪沒中國之勢可深憂矣宋興太祖太宗剗除僭偽寰宇底寧

時契丹貽書請成夏州戮力以從王事東若女真高麗
渤海南若交趾占城勃泥真臘蒲甘三佛齊西若天竺
于闐回鶻大食高昌沙州龜茲之屬或限重溟或隔沙
漠咸靡憚跋涉稽顙闕庭璽珠疊薦府無虛月而究項
吐蕃唃廝囉董氍毹征諸部與夏州錯叛服無常亦終
有悛心且間獲其助焉方其來也優之宴賚寵之爵命
以廣恩也叛則討之服則舍之非黷武也先王柔遠之
制在宋復何加矣奈數世以降上馬創於西夏金幣鑿
於契丹疆宇割於女真而蒙古繼起滅宋尤非當道
豈大往小來丁中並否運抑綏禦宏略弗祖宗

蒙古不必論矣契丹女真事與西夏同而纂史立例與宋並可乎禮四夷雖大皆曰子蓋甲之也春秋內中國而外四夷所以立坊也茲尊宋統列遼金於外國與西夏同詞庶無愆斯義云

遼國上

遼之先出鮮卑有莫那者自陰山徙遼西久之其衆散處曰宇文氏曰庫莫奚曰契丹元魏以來契丹名見中國歷隋唐漸拓大漠之境東接高麗西奚國南營州北室韋阻冷陁山以自固風氣多寒畜牧畋漁以食皮毛以衣轉徙隨時車馬爲家臣于突厥俗樂與突厥同其

酋姓大賀氏有勝兵四萬析爲八部貞觀時酋窟哥請
內附爲置松漠都督府賜姓李窟哥裔孫盡忠死於叛
餘衆悉降于突厥盡忠族人失活開元初復歸附以爲
松漠都督封郡王繼襲數世皆權臣可突于持國被放
弑者凡三遂脅奚衆降于突厥官軍屢爲所敗契丹衙
官李過折斬可突于之首以獻於是過折立未幾可突
于餘黨泥禮殺過折立迪輦祖里爲阻午可汗更號遙
輦氏泥禮卽涅里亦曰雅里奇首之後阻午因立爲夷
離董掌刑倖云天寶四年阻午來降仍賜姓李名懷秀
自失活至懷秀多尚公主懷秀殺公主叛爲安祿山所

破於是楷落立自楷落已上悉賜王爵如失活故事迄
開成朝獻不絕以其屬回鶻不復寵以官爵會昌二年
回鶻破會屈戌復來附拜幽州節度使爲易回鶻印曰
奉國契丹之印後其王習爾號巴刺可汗欽德號痕德
董可汗勢稍強盛光啓中欽德鈔掠奚室韋小小部種
皆役服之未幾耶律阿保機興

耶律阿保機小字啜里只迭刺部霞瀨益石烈鄉耶律
彌里人夷離董撒刺之子泥禮六世孫也娶述律氏
亦曰蕭氏契丹故事八部大人推一尤者統其衆歲久
及不任事則協議代之阿保機多勇略善騎射爲衆所

推立久不肯受代七部劫之乃建旗鼓自爲一部居古
漢城地宜五穀有鹽池之利用述律計襲殺七部大人
併其衆時梁將篡唐晉王李克用遣使通好遂率兵三
十萬會克用于雲州約爲兄弟期共擊梁及梁稱帝反
求梁封冊梁許以共滅晉如所請竟不果阿保機多用
漢人教以隸書之半增損之作文字數千代刻木之約
又制婚嫁置官號建宮室乃於有國九年稱皇帝述律
氏稱皇后群臣上尊號曰天皇帝地皇后紀年曰神冊
元年乃梁貞明二年也其年春三月立子倍爲皇太子
七月親征突厥吐渾党項小蕃沙陀諸部皆平之凡得

戶萬五千六百是役述律氏從室韋初欲乘虛掩襲述律氏勒兵以待奮擊大破之名震諸夷八月陷朔州遂侵蔚新武媯儒五州二年圍幽州爲晉將李嗣源等所敗三年建臨潢所居城是謂皇都四年修遼陽故城改爲東平郡六年十二月契丹主率兵侵幽州陷涿州復侵定州爲晉王李存勗所敗先是存勗命將討鎮州張文禮而定州王處直懼禍及已遣其子郁以利說契丹主入塞以牽晉兵契丹主悉衆而南方王郁之行也定人皆謂契丹必爲患故處直隨爲其假子都所廢契丹主至涿州聞處直廢而都立遂攻中山渡沙河都告急

於存勗將五千騎救之契丹主敗還存勗躡其後見其
宿處環秸在地方隅整然雖去而不亂嘆曰虜法令嚴
乃如此也明年改爲天贊元年二年爲後唐同光元年
時契丹主有窺中國之志慮渤海直其後欲擊渤海慮
中國乘其虛乃遣使通好于唐三年六月下令親征吐
渾党項等部九月破胡毋思山諸蕃部十月遣兵踰流
沙拔浮圖城盡取西鄙諸部四年十二月親征渤海明
年正月拔扶餘城遂圍忽汗城國主譚譔降而復叛攻
破之盡有其地方五千里兵數十萬城邑百有三二月
改爲天顯元年改渤海國爲東丹則于倍爲人皇王以

主之契丹主嘗自號曰天皇王云七月契丹主卒于扶
餘年五十五改元者三凡十一年述律氏護喪還西樓
遂攝軍國事西樓卽所都之地又有東樓南樓北樓各
相距數百里阿保機常往來射獵四樓之間阿保機用
武得國然崇祀先聖畫前代直臣像爲招諫圖咸足稱
者顧其弟刺葛安端與叔轄底謀叛僅縊叔而弟不之
誅又復用之遼世有內難非貽謀過邪子德光立更父
名曰億諡曰昇天皇帝廟號太祖

德光字德謹小字堯骨述律氏所生倍之母弟也貌嚴
重而性寬仁軍國務多取決之天贊初授天下兵馬大

元帥所向奏功天顯初阿保機卒母意屬之倍遂讓德
光於次年十一月嗣位仍以天顯紀年八月葬阿保機
于祖陵置祖州述律氏欲以身殉群臣切諫因斷右腕
納于柩三年三月契丹主得定州王都蠟九書命奚禿
里鐵刺赴援爲唐將王晏球所敗七月復命惕隱涅里
袞都統查刺合鐵刺兵赴援又大敗鐵刺死焉涅里袞
等數十人爲幽州趙德鈞所執八月遣使修好于唐十
二月遷東丹民實東平升爲南京契丹主頗疑其兄倍
故爲是舉明年復置衛士以伺倍動靜倍不自安唐明
宗遣人潛召之倍謂左右曰我將遠適以成大伯之名

乃立木海上賦詩刻之獨攜高美人載書數千卷浮海
南奔詳見隆先傳九年八月契丹主自將南侵拽刺解
里手接飛鴈異之因以祭天地十一年七月唐河東節
度使石敬瑭爲其主李從珂所討用掌書記桑維翰計
求救契丹奉表稱臣約事以父禮割壤酬之九月契丹
主將兵抵晉陽援敬瑭唐將張敬達楊光遠大敗棄甲
如山斬首數萬級敬達走保晉安十一月冊敬瑭爲大
晉皇帝是爲晉天福元年閏月敬達被圍八十日食盡
猶堅守光遠殺之以降契丹主聞其至死不變曰爲人
臣當如此也命以禮葬未幾班師與敬瑭酌別執手噓

欵曰世世子孫勿相忘以兵送之洛從珂自焚敬瑭命
桑維翰爲文紀契丹主援立功十三年晉主遣馮道等
爲冊禮使復以伶官獻十一月改是年爲會同元年是
月晉主遣使以幽薊瀛莫涿檀順嬀儒新武雲應朔寰
蔚十六州并圖籍以獻契丹主以皇都爲上京以幽州
爲南京改南京爲東京新州爲奉聖州武州爲歸化州
幽州後又號燕京云是時晉事契丹甚謹歲輸金帛三
十萬之外吉凶慶弔及珍寶飲食之餽使者相屬於道
初表稱臣尊契丹主爲父皇帝其後契丹主令易表爲
書免稱臣稱兒皇帝如家人禮五年晉出帝新立契丹

主遣使讓來書何爲稱孫不稱臣景德廣答曰今主我
國自立與先帝殊契丹主不悅其盧龍節度使趙延壽
明宗壻也謀欲代晉屢說契丹主南侵遂以經略中國
之事委之曰他日當立汝爲帝六年十二月契丹主遣
趙延壽等分道南侵自帥兵繼之七年正月陷貝州二
月兵渡河爲晉師所敗三月契丹主自將兵十餘萬犯
澶州不克而還八年正月契丹主分兵陷邢磁洺三州
三月陷祁州已而晉師遇于陽城戰數十合適大風晝
晦晉諸將皆奮呼大戰契丹兵稍却符彥卿以萬騎橫
擊大敗之契丹主棄奚車退十餘里追急獲一橐駝乘

之而遁九年十一月契丹主復自將南侵晉師拒之於瀛州敗績追奔逐北僵尸數萬喪其二將進圍晉師於中渡用北院大王耶律圖魯計分遣將士據要害絕其饗道十二月晉將杜重威李守貞張彥澤等以食盡勢窮率所部二十萬衆降彥澤等持契丹主諭詔入汴殺開封尹桑維翰遷出帝於開封府署維翰嘗諫不宜絕好得收葬復田里厚恤其家契丹主將至汴出帝縞素牽羊率百官郊迎契丹主不受出帝降慰百官而遣之景延廣捕至以牙籌數其罪凡八繫以北去遁自殺明年正月朔契丹主備法駕入汴降封出帝爲負義侯

澤初入汴掠財賄亂宮掖諸將莫能禁至是斬彥澤于
汴汴人大悅以李崧爲樞密使馮道爲太傅和凝爲翰
林學士隨命安置出帝於黃龍府后妃宗室俱行契丹
主入居晉宮門廡殿庭皆磔犬掛皮以爲厭勝二月朔
契丹主登正殿百官朝賀建國號曰大遼改是年爲大
同元年升鎮州爲中京以魏王趙延壽爲留守三月契
丹主議北歸省母時諸將蕭翰等肆鈔略遠近怨苦思
叛晉北平王劉知遠舉義兵起太原諸州鎮多殺契丹
守將降契丹主大懼又值炎熱患卑濕乃北歸改汴州
爲宣武軍以蕭翰爲節度使守之吏部尚書張礪諫宜

用中國人不聽四月契丹主發汴州以晉文武諸司僚吏嬪御宦寺方技百工圖籍曆象石經銅人明堂刻漏太常樂譜諸宮縣鹵簿法物及鎧仗悉載以行至相州攻城屠之旣而謂侍臣曰朕此行有三失縱兵掠芻蕘一也掠民私財二也不遽遣諸節度還鎮三也至灤城得疾卒國人剖其腹去胃腸實以鹽晉人謂之帝把年四十六改元者二凡二十一年德光臻富強之業可謂雄才大略末年三失之訓視秦伯之悔過鄭伯之善處勝蓋無愧焉阮立謚曰嗣聖皇帝廟號太宗

阮字元欲東丹王圖欲之長子德光以人望所歸篤愛

之會同九年從德光滅晉大同元年二月封永康王四月德光道卒趙延壽銜德光負約卽日引兵趨鎮州自稱權知南朝軍國事阮以兵繼至執延壽遂卽帝位於柩前六月抵潢河祖母述律鍾愛其弟李胡欲立之乃與李胡整兵出禦相持數日用耶律屋質謀各罷兵趨上京旣而阮聞述律李胡復有其謀竝囚于祖州九月羣臣上尊號曰天授皇帝改是年爲天祿元年追謚父曰讓國皇帝是年劉知遠稱帝國號漢自太原提兵向汴州殺蕭翰所立明宗子從益復以汴州爲東京二年契丹主納南唐書議攻漢其將郎五麻荅掠定州孫

方簡旣降漢自狼山率衆還據定州三年正月蕭翰謀
叛伏誅二月遷晉出帝於建州給田八十頃十月遣將
攻河北諸州漢遣郭威禦之四年契丹主率萬騎攻邢
州陷內丘等城大獲而還五年正月漢郭威稱帝國號
周遣使告卽位旋遣使獻良馬九月契丹主自將南下
欲會北漢兵伐周至新州祭其父于行宮羣臣皆醉泰
寧王察割等弑之后撒葛只蕭氏乘步輦直詣察割請
收殮并遇害年三十四改元者一凡五年阮輕躁乖周
防耶律屋質嘗奏察割陰謀蕭塔刺葛嘗同察割待宴
以赤族戒之阮並不省其及禍宜也璟立諡曰孝和皇

帝廟號世宗

璟字述律德光之長子會同二年封壽安王天祿五年九月察割等弒逆僭位號諸酋長奉璟攻之嚮殺察割璟遂嗣帝位號曰天順皇帝改是年爲應曆元年越三年遣兵入定州周將楊弘裕敗之四年周世宗新立二月契丹主遣將合北漢兵擊周敗周將李筠三月周世宗自將兵大敗北漢兵于高平九年四月周世宗自將兵伐契丹其寧莫瀛三州及益津瓦橋二關相繼降孫行友復拔易州擒刺史李在欽世宗斬於都市遂以瓦橋關爲雄州益津關爲霸州關南悉爲周有契丹主謂

其國人曰此本漢地今以還漢又何惜耶十年正月宋太祖代周是爲建隆元年是年契丹主叔父李胡坐其子喜隱謀叛下獄死十三年九月契丹主遣兵助北漢攻平晉軍宋將郭進救却之十二月契丹主拘北漢使者劉繼文初北漢主父事契丹貢使時至邇年讓其專擅每留使人不遣北漢主令其從子繼文請命仍留之前後凡十六人數年乃遣歸十四年契丹主遣撻烈將六萬騎援北漢於遼州宋將曹彬等敗之十八年三月敗潢河獲駕鷲祭天地造大酒器刻爲鹿文名曰鹿甕貯酒以祭天十月宋圍太原北漢主乞兵命撻烈將諸

道兵赴之十九年正月己巳契丹主敗懷州獲熊歡飲
方醉馳還行宮夜分近侍小哥與盟人花哥庖人辛古
等六人弑之年三十九改元者一凡十九年璟好獵耽
酒喜殺每與臣下酣狎夜以繼日或連飲經旬甚至浹
月以獲鴨除鷹坊刺面腰斬之刑偵鷺失期加炮烙鐵
梳以死寄班都知耶律夷臘葛屢以無辜輕殺諫不聽
而大臣蕭思溫與護思等並無一言匡救由是藩虐益
恣五年之內殺狼人鹿人豕人鷹人鵠人雉人不可勝
計至一日殺鹿人四十四人近侍宰夫雖微過輒手刃
至有支解者於是人不能堪致斯變也賢立諡曰孝安

敬正皇帝廟號穆宗

賢字賢寧小字明宸阮之次子璟甚愛之自幼育于宮中應曆十九年正月璟遇弒賢率侍中蕭思溫樞密使高勳等將兵奔行宮哭之慟羣臣勸進遂卽帝位於柩前號曰天贊皇帝改是年爲保寧元年四月宋太祖親征北漢契丹主遣將分道救之爲何繼筠韓重斌所敗斬獲甚衆憲州嵐州守臣竝以城降宋二年四月契丹主西巡次盤道嶺盜殺北院樞密使蕭思溫九月得國舅蕭海只及海里殺思溫狀皆伏誅十一月契丹主發兵攻定州宋將田欽祚拒退之六年二月契丹主命誅

州刺史耶律昌未貽書雄州請通好宋太祖命知州孫
全興答書許之十二月以沙門昭敏爲三京諸道僧尼
都總管加兼侍中七年契丹主遣克沙骨慎思以書如
宋結成宋遣郝崇信呂端報聘自是吉凶慶弔並遣使
往還八年九月宋遣党進等圍太原契丹主命耶律沙
等將兵援之九年三月契丹主發粟二十萬斛助北漢
十一年乃太宗太平興國四年也正月太宗命潘美等
伐北漢契丹主遣使問故太宗答曰河東逆命所當問
罪若北朝不援和好如舊不然則戰二月太宗自將伐
北漢契丹主遣耶律沙等援之三月耶律沙等與宋將

郭進遇於白馬嶺敗績諸將敵烈等數人皆死五月北漢兵失利劉繼文盧俊奔契丹六月太宗旣滅北漢乘勝欲取幽薊移兵抵易州契丹刺史劉宇以城降涿州判官劉原德亦以城降進抵幽州城南契丹將北院大王奚底等戰于沙河敗走太宗命諸將宋渥等分兵攻幽州城圍之三市以潘美知幽州行府事契丹將多降宋七月順州薊州皆降宋太宗與契丹將耶律沙大戰于高梁河沙小却適耶律休哥以援兵至乃與耶律斜軻分左右翼以進復大戰太宗大敗引師還至涿州休哥追急乃乘驢車走免是役宋兵死者萬餘人所喪資

械不勝計和好遂絕九月契丹主命韓匡嗣等分兵侵定州以報圍燕之役與宋將劉廷翰等戰于滿城大敗追至遂城匡嗣棄旗鼓遁惟耶律休哥整兵而退十一月改是年爲乾亨元年二年二月契丹兵抵鴈門爲宋將潘美所敗都指揮使李重誨被獲驂馬侍中蕭咄李死之三月契丹主在行宮有鵠止于幄獲以祭天十月契丹主自將圍瓦橋關太宗親征敗之數日復戰宋兵陣水南耶律休哥率精騎渡水擊敗宋兵追至莫州多殺獲三年五月宋降卒二百人在祖州劫立已廢宋王喜隱則此喜隱數反赦而用之旣復有謀事泄囚祖州

遂致是變乃賜死其子伏誅四年四月契丹主自將南
侵戰于滿城兵敗太尉奚瓦里中流矢死九月契丹主
獵于雲州得疾卒於焦山年三十五改元者二凡十二
年賢與宋爭衡兵連禍結且崇信沙門縱丞相高勳之
不法政刑紊矣子隆緒立謚曰孝成皇帝廟號景宗

隆緒小字文殊奴賢之長子喜書翰多藝能乾亨二年
封梁王四年九月賢卒即帝位於樞前時年十二明年
六月尊母蕭氏為承天皇帝太后攝國事羣臣上隆緒尊
號曰天輔皇帝復國號曰大契丹改是年為統和元年
四年二月夏州李繼遷叛宋降契丹授交州都督三月

宋太宗遣曹彬米信潘美等分道取幽薊契丹主命耶律休哥及耶律斜軫等合兵禦宋契丹主與母蕭氏督之初戰涿州飛狐俱敗將大鵬翼等被獲相賀斯死之諸城守將艾正等先後降宋旣而休哥敗宋兵復涿州事詳太宗本紀契丹主以復涿州告天地越三日諸將獻俘契丹主以近侍所進自落鵝祭天地五月曹彬朱信自雄州復趨涿州休哥等以輕兵薄於途且戰且却宋兵自救不暇結方陣塹地兩邊而行炎暑乏井漉淖以飲凡四日始達于涿士卒困乏糧又將盡契丹主與蕭氏援兵又至彬信失勢冒雨而退休哥出兵躡之戰

于岐溝關彬信敗走無復行伍追及拒馬河溺死不可
勝紀退屯易州方瀕沙河而鬪聞休哥兵至驚潰墮岸
相蹂死者過半沙河爲之不流棄戈甲山積宋知幽州
劉保勳死之耶律斜軫亦敗潘美等兵復蔚州乘勝下
靈丘飛狐又復寰州宋將楊業死之雲應朔諸州守將
聞業死皆棄城遁十二月契丹主同母蕭氏復率衆南
侵敗劉廷讓等于莫州誘執知雄州賀令圖陷邢深二
州進薄代州知州張濟賢大敗之殺其二將是月李繼
遷款塞祈婚契丹主以耶律襄女歸之自是累世通婚
六年九月契丹主督兵破涿州降其衆進攻長城士卒

潰圍委城遁招之不降契丹主邀擊殺獲殆盡因攻滿
城祁州及新樂皆陷七年二月契丹主督兵陷易州四
月宋將尹繼倫大敗耶律休哥兵于唐州八年十二月
契丹主遣使封李繼遷爲夏國王九年十月李繼捧叛
宋附契丹封爲西平王十一年正月契丹主遣將伐高
麗王治上表請罪十二年七月女真遣使貢方物自是
通貢不絕十二月高麗進妓樂契丹主却之十三年正
月契丹主遣韓德威將萬騎誘党項勒浪等族侵府州
宋節度使折御卿敗之于子河汭勒浪等乘亂反擊德
威僅以身免宋知雄州何承矩條子河汭之捷以諭民

契丹愧忿未數月率兵抵城下欲襲取承矩承矩敗之十一月契丹主冊王治爲高麗國王遂爲故事十四年王治上表祈婚許之十五年三月契丹主封李繼遷爲西平王遂爲故事十七年十月契丹主南侵與宋將康保裔戰于瀛州保裔沒馬遂攻遂城十八年正月契丹主聞宋眞宗親征遂大掠諸州而還宋將范廷召追敗之十九年十月契丹主復南侵宋將王顯敗之於遂城契丹主進次滿城而還二十年契丹主遣將南侵連敗宋師二十一年契丹主遣耶律奴瓜蕭撻凜南侵獲宋將王繼忠于望都二十二年閏九月契丹主同母蕭氏

大舉南侵初與宋師戰唐興及遂城俱捷已而命蕭撻
凜攻威虜順安軍北平砦及保州俱敗乃與契丹主合
衆攻定州宋將王超拒于唐河十月契丹主分兵圍岢
嵐軍宋將高繼勳力戰禦之又攻瀛州爲宋將李延渥
所敗遂駐兵陽城淀號二十萬是月契丹主命宋降將
王繼忠通書議和十一月契丹主乘勝進逼澶州真宗
自將禦之軍於城湟間契丹兵直犯前軍而陣未接戰
蕭撻凜出按視地形中伏斃死撻凜卽撻覽有機勇蕭
氏聞其死哭之慟明日真宗渡河契丹主和議益決各
遣使往復蕭氏謂宋使曹利用曰晉昇我關南周世宗

取之今宜見還十二月契丹主復遣姚東之持書以請
眞宗却之曹利用竟定議歲遺銀十萬兩絹二十萬匹
契丹主遂遣丁振持誓書結成南朝爲兄北朝爲弟各
罷兵自是吉凶慶弔各遣使如故事二十三年十月宋
遣使歸幣歲以爲常二十五年正月契丹主城遼西爲
中京二十八年五月契丹將蕭圖玉伐回鶻入甘州復
破肅州盡俘其民八月契丹主謂羣臣曰高麗西京留
守康肇紘君而立詢遂爲相宜發兵問罪國舅詳穩蕭
敵烈諫不聽遂自將伐之詢乞罷兵不許十一月契丹
主率兵伐高麗渡鴨綠江康肇拒戰竟就擒銅霍貴等

等州皆降詢上表請朝許之因以馬保佑等爲開京留守遣乙凜將千騎護以往其守將卓思正殺契丹使者韓喜孫等十人率兵出拒保佑等復還乙凜擊之思正奔西京圍之五日不克契丹主駐兵于城西佛寺遣排押盆奴攻開京逼高麗兵敗之詢棄城遁遂焚開京至清江而還二十九年正月契丹主班師所降高麗諸城復叛至貴州南峻嶺谷大雨連日馬駢皆疲甲仗多遺棄齊乃得渡明年改爲開泰元年四月高麗王詢遣使乞稱臣如舊契丹主詔詢親朝八月詢上表稱疾不能朝詔復取六州地二年三年兩遣耶律資忠使高麗取

六州地高麗不從乃命蕭敵烈等將兵討之高麗與女
真掩擊契丹兵大敗以捷聞四年五月復命耶律世良
等總兵伐高麗五年正月耶律世良等與高麗兵戰郭
州西破之斬首數萬級六年復命蕭隗注及蕭合卓王
繼忠等先後將兵伐高麗蕭合卓等攻興化軍無功而
還七年十月復命蕭排押等伐高麗且諭之降旣至戰
于茶陀二河之間遼兵大敗將士沒溺者衆八年復命
將會兵伐高麗王詢遣使乞貢方物九年五月耶律資
忠使高麗還以詢降表進請稱藩納貢歸所留使者只
刺里契丹主遣使釋詢罪并允其請只刺里留高麗凡

六年忠節不屈契丹主以爲林牙明年十一月改爲太平元年間子梁王宗真爲太子二年二月契丹主聞宋真宗計不待使至先集蕃漢大王舉哀后妃以下皆爲沾涕命憫忠寺設真宗御靈建資福道場百日而罷仍命國中避真宗諱四年二月契丹主獵撻魯河改曰長春河又改鴨子河曰混同江六年八月遣蕭惠將兵伐甘州回鶻攻城不克而還自是諸部皆叛契丹兵爲所敗喪其二將復遣耶律洪古等討之九年東京舍利軍詳穩大延琳據城叛號其國爲興遼年爲天慶契丹主遣蕭孝穆等討之十年八月東京賊將夜開門納蕭孝

穆等兵擒延琳渤海平十一年六月契丹主卒于大福
河年六十一改元者三凡四十九年隆緒在位理冤滯
察貪殘恤死事之孤振諸部之乏又能却高麗女樂之
獻雖不免黷武勞民亦可謂賢君也子宗真立諡曰文
武大孝宣皇帝廟號聖宗

宗真字夷不董小字只骨隆緒元妃稱斤蕭氏所生其
嫡曰齊天皇后無子取養之封梁王太平元年冊爲皇
太子善騎射好儒術通音律十一年六月隆緒卒宗真
卽位於柩前尊稱斤爲皇太后攝國事改是年爲景福
元年初齊天有巧思創宮殿車服之式甚麗隆緒寵

而與釋斤隙及隆緒疾革釋斤嘗齊天曰老物寵亦有
既耶護衛馮家奴喜孫等希旨誣國舅蕭匹敵等謀逆
以齊天攝政逮鞠連及齊天宗真謂齊天有撫育恩既
失皇太后又可罪乎釋斤慮其爲患不從遷之臨潢殺
匹敵等明年三月釋斤誣齊天罪遣人行弑齊天曰我
實無辜請具浴以就死有頃殂釋斤弟北府宰相孝先
實預謀北院樞密使蕭朴屢言齊天冤不報朴忿恚爲
嘔血云十月群臣上母后及契丹主尊號改是年爲重
熙元年三年釋斤陰召諸弟議立少子重元重元白於
契丹主乃收其符璽遷于慶州七括宮八年始迎還蓋

從臣僚請以覲宋歲聘之利然出入舍止常相距十數里陰爲之備十年乃宋仁宗慶曆元年也九月夏主元昊以所獲宋將及生口獻契丹十一年契丹主謀侵宋遣使索關南十縣地且問興師伐夏及沿邊增戍䟽濬水澤之故諸部會師幽州命蕭惠將之以臨南境聲言伐宋宋兩遣知制誥富弼等議增歲幣契丹主以書答之契丹主隨遣耶律仁先劉六符如宋定議歲增銀絹各十萬與前共五十萬匹兩送至白溝以宋誓書還契丹主感富弼和戰之說和好始定語在富弼傳中十二年夏主元昊遣使上表請伐宋契丹主不從十三年五

月契丹兵與党項戰大敗將校多沒于陣元昊遣兵援
党項契丹主徵諸道兵會西南邊討之六月契丹主將
騎兵十萬出金肅城九月命其弟重元將騎七千出南
路蕭惠將先鋒兵六萬出北路各濟河長驅夏境十月
元昊上表乞和退師十里請收叛黨以獻復遣使進方
物契丹主遣蕭革逆之仍進軍次于河曲元昊親率党
項三部待罪契丹主命革詰其背盟納叛之故賜之酒
許其自新蕭惠等皆以爲大軍旣集宜加討伐元昊以
未得成言又退師三十里以候凡三退將百里每退必
赍其地契丹馬無所食遂許和元昊故遷延俟其弊擊

蕭惠營敗之乘勝攻契丹主營又大敗駙馬蕭胡覩被執越數日元昊遣使歸其先所俘獲契丹主亦歸所留夏使遂罷兵是年升雲州爲西京於是五京備焉十八年夏主諒祚立契丹主親征八月渡河夏人遁乃還九月蕭惠等爲夏人所敗十月耶律敵魯古率兵至賀蘭山獲夏主母及官僚家屬以歸十九年復遣蕭蒲奴等將兵伐之諒祚母遣使乞依舊稱藩未許諒祚復上表乞如母訓二十年遣使如夏國索党項叛戶諒祚母表乞代党項權進馬駝牛羊等物復遣使求唐隆鎮及乞罷所建城邑契丹主不許隨命以諒祚母及前後所獲

俾安置薊州二十一年夏主遣使乞弛邊備契丹主乃
許降二十四年二月契丹主如混同江召宋使釣魚賦
詩八月卒于秋山年四十改元者二凡二十五年宗真
虧孝黷武又性佻悅喜飲酒博鞠數變服入酒肆寺觀
禁中夜宴自入樂隊酷信浮屠至拜僧爲三公三師兼
政事令者獨親策進七晚年與宋夏結和庶可稱云子
洪基立謚曰神聖孝章皇帝廟號興宗

洪基字涅隣小字查刺宗真之長子重熙二十一年以
燕趙國王爲天下兵馬大元帥知惕隱事二十四年八
月宗真卒卽位於柩前改爲清寧元年二年十一月契

丹主上尊號曰天祐皇帝三年九月契丹主再遣使如宋求仁宗御容宋遣胡宿奉以往仁宗嘗却其初使諭之曰南朝叔父宜先致恭至是致其像乃許之契丹主迎謁再拜謂左右曰我若生中國不過與之執鞭持蓋一都虞候耳七年北院樞密使蕭阿剌爲南院樞密使蕭惠所讒縊殺之事在阿剌傳九年七月契丹主田于太子山其太叔重元及其子楚王涅魯古等與北院樞密同知蕭胡覩等四百人謀作亂敦睦宮使耶律良上變契丹主命南院樞密使耶律仁先及良等率衛士數千人禦之母后撻里蕭氏親督戰賊黨多降南府軍

蕭德同詳穩耶律阿思射殺涅魯古斬其首以獻重元
被傷而退是夜同黨立重元爲帝胡覲自爲樞密使翌
日重元復率奚人二千犯行宮北院宣徽使蕭韓家奴
諭奚人以禍福獵夫投杖首服五院部節度蕭塔剌只
適召至仁先等其破之事詳仁先傳初重元以叔父被
尊寵及事敗走大漠嘆曰涅魯古使我至此乃自殺胡
覲遁投水死明年改爲咸雍元年正月契丹主冊于梁
王濬爲皇太子二年正月契丹主復國號曰大遼十年
遼主兩遣使如宋議河東疆界明年改爲大康元年二
月遼主復遣使議疆界七月神宗遣使割河東地以分

水嶺爲界凡七百里六月遼主命子濬總領朝政濬生
至是年十八矣十一月遼主賜后死族誅伶人趙惟一
高長命后小字觀音姿容冠絕工詩詞美談論好音雅
尤善琵琶生子濬有專房寵濬自幼聰慧好學善騎射
旣總領朝政法度脩明姦臣北院樞密使耶律乙辛不
得逞其私忌之謀傾后宮婢輩登教坊朱頂鶴誣后與
惟一私乙辛以聞從而實之遂賜死歸其尸於家乙辛
譽其姻家駙馬都尉蕭霞林之妹坦思美宜正位中宮
乃納爲惠妃二年以北面林牙蕭巖壽言出乙辛爲上
京留守惠妃立爲后援乙辛復集百官議召還契丹行

宮都部署耶律撒剌三諫不聽竟召之三年五月乙辛
令右護衛太保查剌等告北院樞密使蕭速撒及撒剌
弁已竄嚴壽等八人謀立濬遼主案無狀不治六月乙
辛復令牌印郎君蕭訛都幹等誣首嘗預速撒等謀遼
主信之杖濬命乙辛及其黨北府宰相張孝傑左夷离
畢耶律燕哥等鞠治濬具陳枉狀曰吾爲儲副尚何所
求公當爲我辨之燕哥易濬言爲款遼主怒誅速撒等
廢濬爲庶人囚之上京臣僚知其冤無敢言者惟北院
樞密副使耶律惟信數廷爭不聽濬將出曰我何罪至
是殿前點檢蕭十三叱令登車以去十三嘗爲乙辛言

太子若立吾輩措身何地而燕哥捏濬伏款亦十三謀也十一月乙辛遣其私人盜殺濬以卒聞遼主哀悼欲召其妻乙辛陰遣人殺之四年蕭訛都幹以車服僭號誅臨刑語人曰前告耶律撒刺事皆乙辛教我今乙辛殺我以滅口耳五年乙辛欲害濬子延禧而請宗室子淳爲儲嗣及遼主出獵又請留延禧勿行北院宣徽使蕭兀納等先後諫不可遼主頗疑之遼主又見黑山扈從官多從乙辛後惡其專乃削乙辛一字王爵封混同郡王六年正月出乙辛知興中府事三月封延禧爲梁王是冬宰相耶律仁傑坐乙辛貶本曰張孝傑遼主賜

國姓更名以比狄梁公實乙辛薦達也仁傑嘗對客昌
言曰無百萬兩黃金不足爲宰相家其漬貨如此十年
十一月遼主出幸駙馬都尉蕭酬幹第飲宰相梁穎
諫曰天子不可飲人臣家乃還宮十二月乙辛以罪囚
于萊州八年降坦思后爲惠妃出居乾陵先是坦思之
妹幹特懶已嫁乙辛子綏也后言其宜子命離昏納宮
中至是亦遣還其家九年六月進謚潛爲昭懷太子十
月乙辛謀奔宋及私藏兵用事覺縊殺之十一月進封
延禧爲燕王十年十二月改明年爲大安元年是年宋
哲宗新立二年七月惠妃母削占以厭魅延禧事覺伏

誅竄其子。酬幹妃廢爲庶人。七年十月命延禧爲天下
兵馬大元帥。總北南院樞密使事。八年夏主遣使如遼
乞援師以拒宋。十年拔思母達里底二部侵遼境。遣兵
討之。降而復叛。又擊敗之。明年爲壽隆元年。四年三月
黃河清。六月夏主復乞援師以拒宋。十一月遼主遣使
諷宋與夏和。六年生女。真節度使盈歌破紇石烈部。阿
疎之城取之。先是阿疎奔訴于遼。主遣使止勿攻。盈歌
以計却遼使。竟取之。阿疎復訴于遼主。遣使命盈歌曰
凡攻城所獲存者。復與之。否則備償。盈歌與下謀曰。若
償阿疎諸部不復可號令矣。乃令上僇禿答兩水之民。

陽爲阻絕鷹路復謀他部謂遼主曰若開鷹路非生女
眞不可遼主卽以命盈歌而阿疎城事遂止盈歌聲言
平鷹路而歸遼主賞其功七年正月遼主卒于混同江
年七十改元者五凡四十七年洪基嘗設賢良科置國
子監班五經傳疏優獎斬文高八世同居頗有意於教
化然行謗訕之令重告計之賞讒邪競進賊及骨肉末
年國基寢危諸部反側一日祝髮三千一歲飯僧三十
六萬遼之亡實階于此孫延禧立謚曰仁聖大孝文皇
帝廟號道宗

延禧字延寧小字阿果濬之子也大安七年以燕王總

北南院樞密使事加尚書令爲天下兵馬大元帥壽隆
七年正月洪基卒卽位於樞前號曰天祚皇帝二月改
爲乾統元年六月追復祖母后號仍更諡合葬十月追
尊考妣爲帝后廟號曰順宗二年四月誅耶律乙辛黨
竄其子孫發乙辛得里特及張孝傑蕭十三墓剖棺戮
尸以家屬分賜被害之家十三子二人皆伏誅三年正
月生女眞誅遼叛將蕭海里函首以獻語在金國傳十
一月追尊阿保機之高祖曾祖及妣爲帝后廟號高祖
曰肅祖曾祖曰懿祖其祖考妣在重熙末已追尊廟號
祖曰玄祖考曰德祖用翰林都林牙蕭韓家奴之議也

四年十月鳳凰見鄯陰五年夏主李乾順遣使求援且
乞伐宋遼主遣使諷宋與夏和十年大饑明年改爲天
慶元年二年遼主如混同江釣魚生女真酋長在千里
內者以故事皆來朝適遇頭魚宴酒酣遼主命諸酋次
第起舞獨阿骨打辭不能但端立直視諭之再三終不
從他日遼主慮其雄家爲後患密謀於樞密使蕭奉先
欲誅之奉先謂無大過恐傷向化心且葛爾何能爲遼
主乃止其弟吳乞買粘罕等嘗從獵能呼鹿刺虎搏熊
遼主輒喜加官爵無何阿骨打舉兵併旁近部族遼主
命咸州詳穩司詰責欲使自新三年阿骨打率五百騎

突至咸州辨對不屈送所司問狀一夕遁去自是召不
復至四年阿骨打兩遣使如遼索阿疎自遼主之立淫
酗好獵知北院樞密使事蕭胡篤每言從禽之樂以逢
其意故國政愈隳廢每歲市名鷹海東青于海上道出
女真使者貪縱徵索無藝女真怨苦之烏雅束屢請阿
疎不發遂以爲辭稍稍拒市鷹使者及是阿骨打屢請
亦不發仍遣使問女真境上多建城堡之故阿骨打慢
語答曰若還阿疎朝貢如故不然城未已也隨發兵叛
擒遼障鷹官已而會諸部兵于來流水數遼罪以誓衆
進攻寧江州遼兵大敗方女真初起群臣請發兵乘其

未備知北院樞密事蕭得里底獨沮之及攻寧江州遼主射鹿于慶州略不介意江州遂陷遼主乃遣蕭素先弟嗣先等將六軍禁兵及土豪武勇合七千人伐之屯于出河店阿骨打迎戰混同江會大風塵埃蔽天阿骨打乘風奮擊遼兵潰將士多死獲免者僅十七人奉先懼嗣先獲罪輒奏東征潰軍所至劫掠若不肆赦恐聚爲患於是遼主但免嗣先官諸軍相謂曰戰則有死而無功退則有生而無罪從此士無鬪志遇敵輒潰五年正月阿骨打稱帝國號金遼主下詔親征數月之內累遣使如金諭降不從仍拘遼使語在金國傳八月遼主

督兵十餘萬命阿不奉先等分道伐金發數月糧期必
勦滅九月先鋒部署耶律章奴反謀迎立耶律淳兵敗
伏誅十二月駙馬蕭特末等將騎兵五萬步卒四十萬
從遼主至駝門會都監耶律張家奴反遼主引還金兵
追戰于護答岡遼兵大潰枕藉相屬百餘里輜重寶物
悉爲所獲六年正月朔東京惡少年十餘人夜入留守
府殺蕭保先其裨將渤海高永昌據遼陽遠近響應因
僭帝號建元隆基四月金將幹魯古攻高永昌殺之遂
取東京州縣十二月遼主封庶人蕭氏爲皇太妃召其
弟劄幹爲南冬具詳穩七年九月遼主置怨軍八營凡

三萬人屯衛州蒺藜山以郭藥師等爲帥欲報金烈故
云怨軍十二月耶律淳與金將幹魯古戰疾藜山敗績
顯州及旁邑七州皆降金自是宋徽宗與金密議夾攻
遼語在金國傳八年遼主以金主求封冊乃遣使如金
議和金主復書曰能以兄事朕歲貢方物歸我上京中
京興中府三路州縣以親王公主駙馬大臣子孫爲質
還我行人及元給信符并宋夏高麗往復書詔表牒則
可以如約凡七遣使議乃定是歲遼山前諸路大饑人
相食九年三月遼主遣蕭習泥烈等冊金主爲東懷國
皇帝七月金主遣烏林答贊謨賁遼冊文無兄事語不

云大金而云東懷乃小邦懷其德之義及有渠材二字
涉於輕侮遙芬多戢等語皆非善意如更定然後可從
十年金主遣使持書及冊文副本如遼遼主以大聖三
字與先世稱號同復遣習泥烈使金更議金主怒絕之
未幾上京復陷明年改爲保大元年都統耶律余覲降
于金時遼主有數子長趙王習泥烈次晉王敖盧斡次
秦王定次許王寧晉王文妃所生國人以其賢屬望之
文妃嘗作歌諫遼主玩敵怠政忤遼主意秦許王之舅
蕭奉先懼秦主不得立謀傾晉王文妃姊妹適耶律撻曷
里妹適耶律余覲一日其姊妹俱會軍前奉先諷人誅

駙馬蕭昱及余覩等謀立晉王遼主誅昱撻曷里等賜
文妃死獨晉王未忍加罪余覩懼卽率千餘騎奔金遼
主遣將蕭遐買等追及諸途衆議曰主上信奉先言視
吾輩蔑如也余覩宗室豪俊常不肯爲奉先下若擒余
覩他日吾黨皆余覩也不若縱之還卽給曰追襲不及
金主得余覩益知遼國事宜常以爲先鋒將云二年正
月金兵克中京進下澤州遼主出居庸關至鴛鴦濼聞
余覩引金將婁室索蓮奄至蕭奉先謂遼主曰余覩欲
立其甥晉王耳若爲社稷計何惜一子遼主謀於樞密
使蕭得里底等唯唯無一言乃賜晉王死或勸晉王亡

答曰安忍爲蕞爾之軀失臣子之節遂就縊諸軍聞之
無不流涕由是人心解體余覩引金兵逼行宮遼主奔
雲中遺傳國璽于桑乾河三月遼主復避金兵奔白水
寨至女古底粘沒喝以精兵追襲遼主計不知所出乘
輕騎入夾山方悟奉先姦逐之曰汝父子誤我至此誅
汝何益奉先哭拜而去行未數里左右執父子縛送金
軍長子昂被殺以奉先及次子昱械送金主遇遼兵奪
歸遼主竝賜死時肅得里底父子亦以誤國逐耶律高
山奴執送金軍其子死焉得里底亡_時爲耶律淳所得
淳已建號知不免不食死淳乃宗真_時西孫累封秦晉

國王遼主初奔雲中留宰相張琳李處溫暨淳守燕處
溫奉先黨也已而遼主入夾山數日命令不通處溫與
弟處能及子頤外藉怨軍內結都統蕭幹謀立淳爲帝
琳不可竟勉從之遂與奚王回鹘保林牙耶律大石及
大臣左企弓虞仲文曹勇義康公弼等援唐靈武故事
率吏民詣淳府勸進淳方出李頤被以赭袍淳驚駭固
辭不獲已從之號曰天錫皇帝改元建福降封天祚爲
湘陰王改怨軍爲常勝軍燕雲平及上京中京遼西六
路淳主之沙漠已北西南西北路兩都招討府諸蕃部
族仍隸天祚自此遼國分矣四月金將粘沒喝等取西

京沙漠以南部族皆降天祚奔訛莎烈是月阿疎爲金
兵擒以歸五月徽宗命童貫督兵伐遼种師道趨白溝
辛興宗趨范村淳遣耶律大石蕭幹出禦連敗宋師隨
遣使責宋黨叛棄好語在种師道傳六月淳寢疾聞天
祚傳檄合諸蕃精兵以八月入燕淳驚甚命大臣議李
處溫蕭幹等有迎秦王拒湘陰王之說南面行營都部
署耶律寧木可衆問故寧曰天祚果能以諸蕃精兵大
舉奪燕則是天數未盡豈能拒之否則秦湘父子也拒
則皆拒自古安有迎子而拒其父者衆以寧扇亂軍心
欲殺之淳歎枕長歎曰彼忠臣也天祚果來吾有死耳

已而淳死衆議立其妻蕭氏爲皇太后奉淳遺命迎立
秦王定改元德興謚淳爲孝章皇帝廟號宣宗處溫父
子懼禍南通童貫欲挾蕭氏納土蕭氏數處溫罪賜死
變頭磔之八月遼主遇金軍于石砦驛敗績數日會兵
于歡撻新查刺金兵追急棄輜重遁九月涿州留守郭
藥師以城降宋藥師同宋將劉延慶入燕爲蕭幹所敗
十一月蕭幹與郭藥師戰于永清敗績遼主聞金兵至
奉聖州率衛士屯于落昆隨蕭氏五表于金求立秦王
不許以勁兵守居庸關金兵至厓石自朋戌卒多壓不
戰而潰金兵直抵燕京統軍高六等開門待之左企弓

率百官奉表降蕭氏與蕭幹趨天德軍於是遼五京悉
爲金有十二月遼主由埽里關出居四部族詳穩之家
三年正月奚王回鹘保卽箭倚山自立號奚國皇帝建
元天復二月遼主殺蕭妃追降淳爲庶人釋其黨蕭幹
奔奚四月金兵圍遼主於青瑑硬寨太保特母哥竊其
子梁王雅里以遁秦王許王公主從臣皆陷沒數日遼
主復與金兵戰白水濚趙王習泥烈等皆被執遼主遁
去五月遼主奔西夏渡河止于金肅軍北遣使冊李乾
順爲夏國皇帝人情惶懼軍將耶律敵烈等共劫梁王
雅里奔西北部立以爲帝建元神曆敵烈自爲樞密使

是月回鹘保爲衆衛殺十月遼主東還居突呂不部梁
王雅里死敵烈當耶律述烈繼之未幾並爲亂其所殺
四年五月平州張覺倡義迎遼主數左企弓等罪殺之
事評覺傳遼主謀出兵收復燕雲耶律大石諫不聽大
石遂自立爲王率所部西遁遼主出夾山取天德等州
至武川與金人遇與戰不利奔陰山五年正月遼主奔
党項過沙漠金兵忽至遼主皇遽走免至天德遇雪途
次絕糧左右惟齧冰雪以濟饑二月遼主至應州新城
東六十里爲金將完顏婁室等獲以歸金主吳乞買降
封爲海濱王高宗改封豫王在位二十四年改元者二後

以疾終年五十四延禧昏庸惟姦臣是崇是信盤游玩
寇刑政俱紊國本旣極羣下土崩途至身虜而國滅凡
歷九主傳國百五十年而亡

耶律大石者阿保機八代孫也字重德第進士至節度
使協策立耶律淳淳死復歸天祚知天祚必亡率鐵騎
二百西遁會西鄙七州十八部王諭以興復事得精兵
萬餘假道回鶻所過敵者勝之降者安之兵行萬里盡
者數國至起兒漫羣臣共冊立爲帝保大五年二月五
日也改元延慶號曰天祐皇帝越三年班師東歸得善
地建都城號虎思斡魯朵虎思有力稱斡魯朵宮殿久

也改爲康國元年十年卒在位二十年廟號德宗子夷
列幼太后妻蕭氏稱制號感天太后改元咸清凡七年
夷列立改元紹興十三年卒廟號仁宗子幼夷列妹普
速完稱制號承天太后改元崇福普速完通於其夫駙
馬蕭朶魯不之弟朴古只沙里出駙馬爲東平王羅織
殺之駙馬之父幹里刺以兵圍其宮射殺普速完及朴
古只沙里其稱制凡十四年夷列次子直魯古立改元
天禧立三十四年乃蠻王屈出律設伏伺其出獵擒之
而據其位遂襲遼衣冠尊直魯古爲太上皇待以終身
自大石至直魯古幾九十年世號西遼云

宋史新編卷一百九十二